



ETXEBARRIKO UDALEKO ZERGA IKUSKARITZARI AHOHKULARITZA TEKNIKOA, JURIDIKOA ETA INFORMATIKOA EMATEKO ZERBITZUA PROZEDURA IREKIAREN BIDEZ KONTRATATZEKO BALDINTZA TEKNIKOEN AGIRIA

1. KONTRATUAREN XEDEA

Kontratuaren xedea aholkularitza tekniko, juridiko eta informatikoko zerbitzua ematea da, hau da, Etxebarriko Udaleko zerga-ikuskaritzako udal-organoari administrazio-lanak egiteko laguntza ematea.

2. PRESTAZIOAREN EZAUGARRIAK

1. Enpresa esleipendunak berariazko aholkularitza emango die Etxebarriko Udalaren zerbitzura dauden funtzionarioei, baldin eta tributu-ikuskaritzako eginkizunak dituzten organoetako lanpostuetan ari badira. Kontratatistak zorrotz bete beharko ditu kontratuaren pleguak, eskaintza eta udalak emandako jarraibideak.
2. Aholkularitza hori telefono bidezko etengabeko kontaktuaren bidez, posta elektronikoaren bidez, aurrez-aurre, udal-bulegoetan eta ikuskapen-jarduketan arabera legez dagokion lekuan egingo da, ikuskapen-espeditenteak aztertzean eta izapidetzean planteatzen diren gai teoriko eta praktikoak unean bertan ebazteko.
3. Horretarako, udalak edo beste administrazio batzuek udalerriko zergapekoei buruz izan dezaketen informazioa, batez ere, artxibo informatikoetan bidaliko du. Udalak lagatako edo emandako datuekin, kontratatistak dagokion erreserba gorde beharko du, eta ezin izango ditu erabili kontratu honen xede ez diren helburuetarako.
4. Kontratatistak bere bulegoetan egingo ditu lanak, eta funtzionarioekin harremanetan egongo da. Nolanahi ere, beharrezkoa izanez gero, Udalak jarduketak egiteko behar diren espazioak gaitu ahal izango ditu, Ikuskapen Planean aurreikusitakoaren arabera.
5. Kontratatistak, herritarrei arreta egokia ematen zaiela bermatzeko, hirugarrenetik harremanetan zerbitzua ahoz zein idatziz, Euskal Autonomia Erkidegoko bi hizkuntza ofizialetan (euskaraz eta gaztelaniaz) ematen dela bermatu beharko du.
6. Aholkularitza hori emango den eremua honako Ikuskapen Planean aurreikusitako jarduketak gauzatzea izango da, jarduketa horiek gauzatzearen ondorioz etor daitezkeen zehapen-espeditenteak gauzatzea eta prozedura horiekin lotuta bideratzen diren administrazio-errekurtsoak ebaztea.
7. Ez dira inola ere prestazioaren xede izango, beren izaeragatik agintea erabiltzea eskatzen duten edo berariaz funtzionarioentzat gordeta dauden lanak eta eginkizunak. Eginkizun horiek Ikuskapen Planean aurreikusitako funtzionarioek beteko dituzte.

KONTRATUAREN ARDURADUNA: Etxebarriko Udaleko Idazkari Kontu-hartzailea.



3. EPEA

2 urteko iraupena aurreikusten da, kontratuan adierazten den egunetik aurrera, edo, bestela, kontratua formalizatzen denetik aurrera, gehi urtebeteko bi luzapen, hasitako espedienteen egoeraren arabera.

4. KONTRATUAREN PREZIOA

Hasieran kuantifikatu ezin den kontratuaren zenbateko osoa ikuskapen-jarduketan eta horien ondoriozko emaitzen arabera izango da, atal honetan adierazten diren baldintzetan eta portzentaiazko prezioekin.

Ikuskapen-jarduketarako emaitzen aurreikuspenaren arabera, aurreikusitako ordainsaria kontratuaren iraupenean, gehienez 67.000,00 €-koa (BEZik gabe) + 14.070,00 €-ko (%21eko BEZ-a) kalkulatu da.

Era berean, kontratuaren prezioaren % 10eko mugara arte aldatzea aurreikusten da, baldin eta kontratua gauzatzearen ondorioz, Diruzaintzan sartutako zenbatekoetatik, aurreikusitako ordainsari-sistemaren arabera, hasieran kuantifikatutako aurrekontu-mugatik edo kontratuaren gehieneko prezioetik gora fakturatu beharreko kopuruak lor badaitezke.

Kontratuaren balio zenbatetsia 147.400 € (BEZik gabe) da, balizko 2 luzapenak eta %10 arteko aldaketa horiek barne.

Kontratu honen modalitatearen arabera, kontratistari ordaintzeko prezio zehatzak ehuneko jakin batzuetan finkatzen dira, jarduketan azken emaitzaren gainean. Bereizi egiten da aldizka edo noizean behin sortzen diren zerga-kontzeptuak diren.

Ehuneko prezio horiek lizitazioaren prezioak izango dira, hau da, lizitatuzaileen eskaintzetan hobetu daitezkeenak.

Ikuskapen-jarduketarako lankidetzak eta laguntza teknikoko lanak egin dituzten espedienteak ordainduko dira, baldin eta horietan ezkutuko eta aitortu gabeko zerga-oinarriak aurkitzen badira, edo ikuskapen-aktak egiten diren egoera irregularrak aurkitzen badira, zerga- eta interes-likidazioekin eta dagozkien zehapenak ezartzearekin amaitzen direnak, zergadunaren adostasuna onartuta edo desadostasun-aktarekin, irmoak badira, honako xehetasun honen arabera:

A) Ikuskapen-prozeduran likidatu eta aurkitutako zenbatekoengatik, baldin eta zergaduna etorkizunean jarraipena duten errolda fiskaletan sartzea badakarte: Udal Diruzaintzan kontzeptu guztietan (kuotak, interesak eta zehapenak) benetan sartutako zenbatekoen % 50.

B) Ikuskapen-prozeduran likidatu eta aurkitutako zenbatekoengatik, baldin eta zergaduna errolda fiskaletan sartzea ez badakarte, zergapeko egitate isolatuak direlako eta horien sortzapena banaka eta errepikapenik gabe gertatzen delako: Udal Diruzaintzan kontzeptu guztietan (kuotak, interesak eta zehapenak) benetan sartutako zenbatekoen % 35.



Esleipendunaren portzentajezko ordainsari horietan ez da sartzen dagokion Balio Erantsiaren gaineko Zergaren (BEZ) kuota, eta ordainsari-sistema horren arabera zerbitzuengatik azkenean fakturatutako zenbatekoari gehituko zaio.

5. KONTRATUA ALDATZEA

Kontratua aldatu ahal izango da, urteko prezioaren % 10eko mugara arte, baldin eta, kontratua gauzatzearen ondorioz, Diruzaintzan sartutako diru-kopuruetatik edo, kontratuaren xedearen arabera, ikuskapen-jardueratik ustez lor daitezkeenetatik, aurreikusitako ordainsari-sistemaren arabera, hasieran kuantifikatutako aurrekontu-mugatik edo kontratuaren urteko gehieneko prezioetik gora fakturatu beharreko diru-kopuruak lor badaitezke.

Nolanahi ere, administrazio kontratatzailearen berariazko erabakia beharko da aurreikusitako aldaketa egiteko. Aldaketa-proposamenean, modu zehatz eta kuantifikatuan zehaztuko dira lortutako diru-sarrerak eta aldaketa aholkatzen edo eragiten duten inguruabarrak.

6. GIZA BALIABIDEAK ETA BALIABIDE MATERIALAK

Laguntza teknikoko kontratua denez, enpresa esleipendunak tokiko zergen ikuskapenean eskarmentu handia duten pertsonak jarriko ditu kontratu hau gauzatzeko. Horregatik, kontratuaren xede diren zerbitzuak emateko gutxienez bi giza baliabide hauek izendatuko ditu:

- **PROIEKTUKO BURU BAT:** Gradua Zuzenbidean eta/edo Ekonomia Zientzietan edo Enpresen Administrazio eta Zuzendaritzan (edo antzekoetan), gutxienez bost urteko esperientziarekin udal-zergen ikuskaritzan lankidetzaz-zerbitzuak ematen, eta hori izango da Udalaren aurrean ordezkari izango duena kontratuaren xede diren lanak gauzatzeko eta ondo egiteko.

- **KOLABORATZAILE BAT:** Gradua Zuzenbidean eta/edo Ekonomia Zientzietan edo Enpresen Administrazio eta Zuzendaritzan (edo antzekoetan), gutxienez bost urteko esperientziarekin udal-zergen ikuskaritzaren arloko lankidetzaz eta aholkularitza juridiko eta teknikoko zerbitzuak ematen, eta hori izango da egin beharreko lanen aholkularitza- eta berrikuspen-lanak egingo dituen.

Enpresa esleipenduneko langileak enpresa horren mende egongo dira organikoki eta funtzionalki, eta beren gain hartuko dituzte ordainsariak, Gizarte Segurantzako betebeharrak eta gainerako zerga-betebeharrak. Atxikitako langileek ez dute inolako zerbitzu-harremanik izango Etxebarriko Udalarekin, ez dute eskubiderik sortuko Udalaren aurrean, eta ez dute inolako lan-harremanik izango Udalarekin.

Kontratistaren kontura izango dira langileak lekuz aldatzeko garraiobide egoki eta nahikoak, kontratatutako laguntzarako behar diren datuak hartu eta egiaztapenak egiteko. Kontratuaren berezko eginkizunak betetzeko behar diren ekipo, material eta baliabide informatiko eta teknikoak ere enpresa esleipendunaren kontura izango dira.

Beharrezko informazio-prozesuak gauzatzeko sistema egokienak proposatu beharko dituzte lizitatzailleek beren lan planean, Udal arduradunen datuen eskuragarritasuna eta sarbidea bermatuz.



Etxebarriko Udalak espazio nahikoa jarriko du Udal bulegoetan agindutako laguntza eta lankidetzaz gauzatzeko.

7. DATUEN BABESA

Zerbitzua emateko behar diren datuei dagokienez, adjudikazioduna tratamendu-eragilea izango da, Datuak Babesteko Lege Organikoan xedatutakoaren ondorioetarako. Hori dela eta, komunikatzeak edo datu pertsonaletarako irispidea izateak ez du esan nahi, inola ere, datu horiek esleipendunari lagatzen zaizkionik, ezta datu horiek gordetzeko ere; aitzitik, datuak entregatze hutsa baino ez da, kontratua betetzeko ondorioetarako soilik. Udalak emandako datuak bere jarraibideen arabera baino ez ditu erabiliko.

Datuak ez aplikatzea edo erabiltzea kontratu honetan agertzen den zerbitzua emateko ez den beste ezertarako; datuak beste pertsona batzuei ez jakinaraztea, ezta gordetzeko bada ere; datuen kopiak hirugarrenei ez ematea; eta entregatutako fitxategietan jasotako datuak zabaltzea edo beste edozein modutan ustiatzea, kontratatutako zerbitzua amaitu ondoren ere.

Esleipendunak zaindu beharko du Ikuskapen Plana isilpekoa dela. Zerga Administrazioak bere eginkizunak betetzean lortutako datuak, txostenak edo aurrekariak isilpekoak dira, Zergei buruzko Foru Arau Orokorren (2/2005) 94. artikuluan ezarritakoaren arabera. Enpresak uneoro hartu beharko ditu mekanismo egokiak izaera erreserbatu hori bermatzeko.

Kontratua amaitzean, enpresak suntsitu egin beharko ditu datu pertsonalak, edo Udalari itzuli. Udalak datuak suntsitzea erabakitzen duela berariaz adierazten ez badu, datuak itzuli egin beharko dira. Ondorio horietarako, Etxebarriko Udalak bere gain hartuko du dagozkion administrazio-espeditenteak irekitzeko oinarri diren dokumentu guztiak gordetzea eta zaintzea, bere erantzukizunpean.

8. ESLEITZEKO IRIZPIDEAK ETA AURKEZTU BEHARREKO AGIRIAK

Kontratua esleitzeko irizpideak eta hura egiaztatzeko balio behar duten agiriak ondorengoak dira:

A) Modu AUTOMATIKOAN ebalua daitezkeen irizpideak: 60 PUNTU

Lizitazaileek aurkeztutako eskaintza (ABZP-ko 1. eranskina) honela baloratuko da:

Ordainsarien ehunekoak..... 60 puntu

Lizitazio-prezio gisa aurreikusitako esleipendunaren Ordainsari-Ehunekoak honela baloratuko dira:

- A) Zergaduna Ikuskapen-prozeduran likidatu eta aurkitutako zenbatekoengatik, baldin eta zergaduna etorkizunean jarraipena duten errolda fiskaletan sartzea badakarte, gehienez 30 puntu emango dira.

Lizitazio mota ondorengoa izanik: Udal Diruzaintzan kontzeptu guztietan (kuotak, interesak



eta zehapenak) benetan sartutako kopuruen %50. Puntuaziorik altuena ESKAINTZARIK BAXUENARI dagokio.

Gainerako eskaintzak baloratzeko, formula hau erabiliko da:

$$EP = GEHP * (LGP - EE) / (LGP - EEB)$$

EP= Aztertutako enpresaren eskaintzaren puntuazioa


GEHP= Kategoriako gehieneko puntuazioa

LGP= Litzitazioaren gehieneko prezioa

EE= Aztertutako enpresaren eskaintza ekonomikoa

EEB= Eskaintza ekonomikorik baxuena

Formularen justifikazioa:



- B) Ikuskapen-prozeduran likidatu eta aurkitutako zenbatekoengatik, baldin eta zergaduna errolda fiskaletan sartzea EZ badakarte, zergapeko egitate isolatuak direlako eta horien sortzapena banaka eta errepikapenik gabe gertatzen delako, gehienez 30 puntu emango dira.

Litzitazio mota ondorengoa izanik: Udal Diruzaintzan kontzeptu guztietan (kuotak, interesak eta zehapenak) benetan sartutako kopuruen %35. Puntuaziorik altuena ESKAINTZARIK BAXUENARI dagokio.

Gainerako eskaintzak baloratzeko, formula hau erabiliko da:

$$EP = GEHP * (LGP - EE) / (LGP - EEB)$$

EP= Aztertutako enpresaren eskaintzaren puntuazioa

GEHP= Kategoriako gehieneko puntuazioa

LGP= Litzitazioaren gehieneko prezioa

EE= Aztertutako enpresaren eskaintza ekonomikoa

EEB= Eskaintza ekonomikorik baxuena



Formularen justifikazioa:



B) BALIO-JUDIZIOEN BIDEZ ebalua daitezkeen irizpideek : 40 PUNTU

Lizitatzailerak **MEMORIA TEKNIKO** bat aurkeztu beharko du, zerbitzua nola emango den deskribatuko duena. Gehienez ere DIN A4 25 orrialde izango ditu (alde bikoitzean), hizkiaren tamaina 10-ekoa edo 11-koa izango da.

Honako alderdi hauek baloratuko dira:

1. Kontratua gauzatzeko modua..... 15 puntu

Zerbitzua nola gauzatu den azalduko da, eta metodoa, faseak eta lan-plana, koordinatzeko modua eta abar zehaztuko dira.

Metodo hori Etxebarriaren tamainako Udal baten antolamendu-errealitatera egokitzea baloratuko da (5 puntu), kontratua modu arin eta eraginkorrean gauzatu ahal izateko tresna informatikoak eskura jartzea (5 puntu) eta beste alderdi berritzaile eta praktiko batzuk aurreikustea, plana gauzatzeko ahalik eta eraginkortasun handiena lortze aldera (5 puntu).

2. Atxikitako langileak..... 25 puntu

Zerbitzua emateko zuzenean izendatutako langileen kualifikazioa eta esperientzia baloratuko dira, eskatutako gutxieneko baldintzen gainerik. Prestakuntza akademikoari dagokionez (4 puntu); egiaztatutako esperientzia profesionalari dagokionez (15 puntu); euskararen ezagutza egiaztatuari dagokionez (3 puntu).

Adierazitako alderdiak egiaztatzeko, agiri hauek aurkeztu beharko dira:

- Atxikitako langileen izenen zerrenda.
- Titulu akademikoaren eta, hala badagokio, euskararen jakite-mailaren aitortpena.



- Curriculum profesionala.
- Udal-zergen ikuskaritzaren arloan egindako lanetan esperientzia dutela egiaztatzen duten toki-erakundeen aitortzea.

Enpresa esleipendunak, ondoren, inguruabar horiek egiaztatzen dituzten ziurtagiriak aurkeztu beharko ditu.

Era berean, enpresak egingo duen langile-politikaren deskribapen laburra egingo da, esleitu beharreko zerbitzuarekin zerikusia izan dezaketen eta kontratuari atxikita dauden langileen gainean. Zehazki, bizitza pertsonala, lana eta familia bateragarri egiteko neurriak diseinatu eta aplikatzeko konpromisoarekin lotutako alderdiak baloratuko dira, kontratua gauzatzen parte hartzen duten pertsonentzat (3 puntu).

9. KONTRATUA GAUZATZEAN EGINDAKO ARAU-HAUSTEAK

Kontratuaren betebeharrak eta prestazioak betetzen ez badira, Udalak alde aurretik agindeirik egin gabe, kontratua suntsiarazi egingo du edo zigor hauek ezarriko ditu:

ARINAK: 150€-tik eta 750 €-ra bitarteko zehapena ekarriko du.

Udaleko langileekiko edo kontratua gauzatzeko harremanetan dagoen beste edozein pertsonarekiko begirune falta arina.

Kontratuaren pleguetako arau orokor eta berariazkoak ez betetzea, larritzat edo oso larritzat jotzen ez badira.

Kontratuaren arduradunak egindako adierazpenak atzeratzea edo desobeditzea, nahitaez (larria izan gabe), edo hitzartutako lanak gaizki egitea.

LARRIAK: 751€-tik 1.500 €-ra bitarteko zehapena ekarriko du.

Udalak egin beharreko ikuskapenak oztopatzea.

Exekuzioan atzerapen larria (3 aste baino gehiago) edo Udalak emandako aginduetan desobedientzia larria.

Eskainitakoez bestelako pertsonak kontratura atxikitzea Udalaren alde aurreko baimenik gabe, salbu oso larria denean.

OSO LARRIAK: zehapena 1.500 €-tik 3.000 €-ra bitartekoa izango da.

Eskainitako proiektuburua edo laguntzailea ez den beste bat kontratuari atxikitzea, Udalaren alde aurreko baimenik gabe.

Kontratua gauzatzen parte hartzen duten pertsonen bizitza pertsonala, lana eta familia bateragarri egiteko neurriak diseinatu eta aplikatzeko konpromisoa ez betetzea.

ETXEBARRIA



Udala

Datuen babesarekin eta zerga-datuen izaera erreserbatuarekin lotutako betebeharrak exekuzio-baldintza berezizat hartuko dira, eta horiek ez betetzeak kontratua deuseztatzea ekarriko du.